



MAJLIS BANDARAYA SEBERANG PERAI

TEKS UCAPAN

YBHG. DATO' AZHAR BIN HAJI ARSHAD
DATUK BANDAR SEBERANG PERAI

SEMPENA

MAJLIS PERASMIAN *BUTTERWORTH FRINGE*
FESTIVAL 2022

OLEH

YANG AMAT BERTHORMAT TUAN CHOW KON YEOW
KETUA MENTERI PULAU PINANG

TARIKH / MASA / TEMPAT

11 DISEMBER 2022 (AHAD)
5.00 PETANG

DATARAN PEMUDA MERDEKA
BUTTERWORTH

Bismillahir Rahmanir Rahim

Assalamu'alaikum Warahmatullahi Wabarakatuh,

Selamat Petang dan Salam Sejahtera,

Alhamdulillah, bersyukur ke hadrat Allah S.W.T. kerana dengan izin dan limpah kurnia-Nya dapat kita bersama-sama pada hari ini dalam Majlis Perasmian *Butterworth Fringe Festival (BFF) 2022* di Dataran Pemuda Merdeka, Butterworth.

Terlebih dahulu, saya ingin mengambil kesempatan ini untuk mengucapkan ribuan terima kasih kepada Yang Amat Berhormat Tuan Chow Kon Yeow, Ketua Menteri Pulau Pinang yang akan merasmikan BFF 2022 sebentar nanti; Yang Berhormat Tuan Lim Guan Eng, Ahli Parlimen Bagan; Yang Berhormat Exco-Exco Negeri Pulau Pinang; Ahli-Ahli Majlis MBSP; Tuan Setiausaha Bandaraya; Ketua-Ketua Jabatan dan Pegawai-Pegawai Kanan MBSP; Jabatan-Jabatan dan Agensi-Agensi Kerajaan; warga kerja MBSP; rakan-rakan media; dan warga Seberang Perai secara amnya dan warga Butterworth secara khususnya; pengunjung-pengunjung dan semua yang turut hadir bersama-sama bagi menjayakan majlis pada petang ini.

**Yang Amat Berhormat, Yang Berhormat, Tuan-Tuan Dan Puan-Puan
Yang Dihormati Sekalian,**

Butterworth Fringe Festival (BFF) merupakan acara tahunan bertaraf antarabangsa yang diadakan sejak tahun 2015 (kecuali tahun 2020 dan 2021 akibat penularan wabak Covid-19) dengan mempamerkan persembahan tempatan dan antarabangsa secara percuma kepada orang ramai. *Butterworth Fringe Festival* pada tahun 2022 ini adalah merupakan penganjuran kali keenam (6) sejak tahun 2015.

Pada asalnya, BFF merupakan satu inisiatif untuk meremajakan dan membangunkan semula Bandar Butterworth ke arah *liveable city* yang lebih ceria dan *vibrant* di Seberang Perai serta memangkinkan *Local Economic Development* (LED) bagi penduduk Seberang Perai khususnya dan Negeri Pulau Pinang secara amnya. Penganjuran pesta atau festival ini lebih berbentuk kesenian, kebudayaan dan warisan dalam usaha menjadikan Bandar Butterworth sebagai hub budaya, kreatif dan inovasi.

Penganjuran BFF merupakan acara yang paling menonjol di Wilayah Utara selain *Festival George Town* yang menjadi hub utama kepada perkembangan seni, budaya dan warisan di negeri ini. Malah, BFF 2022

juga mampu menjadi platform untuk menyatupadukan rakyat di atas kecintaan terhadap seni, budaya dan warisan yang melangkaui latar belakang bangsa serta agama. Di samping itu, BFF 2022 juga dilihat berpotensi untuk menjadikan tarikan kepada pelancong-pelancong domestik mahupun antarabangsa.

**Yang Amat Berhormat, Yang Berhormat, Tuan-Tuan Dan Puan-Puan
Yang Dihormati Sekalian,**

Penganjuran BFF pada tahun ini membawa kelainan dalam mempersembahkan budaya antarabangsa yang membawa konsep *The Street Art Festival*. Program yang dianjurkan selama dua (2) hari bermula pada 10 Disember 2022 (Sabtu) mulai pukul 5.00 petang sehingga 11.00 malam. BFF 2022 melibatkan 19 program utama yang melibatkan pengisian persembahan tempatan dan antarabangsa yang menarik dan warna-warni sepanjang dua hari festival berlangsung.

Bagi segmen persembahan tempatan, kita membawa kumpulan terdiri daripada Sitar & Tabla (Pulau Pinang); *Sada Borneo* (Pulau Pinang); *The Waduh Waduh* (Pulau Pinang); *Wak Long Music & Art Centre* (Pulau Pinang) dan Wayang Kulit oleh Pak Dain daripada Kelantan. Manakala

persembahan antarabangsa pula, kita akan menyajikan persembahan daripada *Cia PALMA* (Brazil); *Crafty Circus* daripada Perancis dan England dan juga persembahan-persembahan yang mewakili Negara-Negara ASEAN. Terdapat juga pelbagai gerai jualan makanan dan minuman yang dapat dimikmati dan barangan kraftangan yang boleh dibeli dan Alhamdulillah ianya mendapat sambutan hebat daripada pengunjung.

Yang Amat Berhormat, Yang Berhormat, Tuan-Tuan Dan Puan-Puan Yang Dihormati Sekalian,

Di kesempatan ini, saya ingin mengucapkan ribuan terima kasih lagi kepada semua pihak yang terlibat, daripada Kerajaan Negeri Pulau Pinang, agensi-agensi kerajaan dan swasta atas komitmen yang holistik yang menjadi intipati utama dalam penganjuran BFF kali ini. Saya juga ingin mengucapkan ribuan terima kasih kepada semua *stakeholders* dan seluruh komuniti Seberang Perai kerana menyokong semua usaha MBSP selama ini. MBSP amat mengharapkan komitmen dan kerjasama yang berterusan daripada Kerajaan Negeri Pulau Pinang untuk penganjuran program yang besar dan gemilang ini, iaitu *Butterworth Fringe Festival* (BFF), yang bersifat *people-centric sejajar* dengan Penang2030 dan Hala Tuju Strategik MBSP. MBSP ingin terus menyuntik semangat untuk perkembangan

pembangunan Butterworth, yang kini mempunyai satu aroma baru kaya dengan nilai kesenian, kebudayaan dan warisan.

Saya juga berharap dengan penganjuran BFF secara tidak langsung akan memangkin *Local Economic Development (LED)* penduduk Seberang Perai khususnya di samping menjadi tarikan pelancong daripada dalam dan luar negara.

Akhir kata, marilah kita bersama-sama memeriahkan *Butterworth Fringe Festival (BFF) 2022* dan melayari Tahun 2023 dengan meningkatkan permuafakatan rakyat bersama Bandaraya Seberang Perai bagi mencapai ***“Seberang Perai Aspirasi Bandar Masa Hadapan”*** atau ***“Seberang Perai Aspiring City Of Tomorrow”***.

Sekian. Terima Kasih

Wabillahi Taufik Wal Hidayah, Wassalamualaikum Warahmatullahi Wabarakatuh